

L Ö G

um breyting á vegalögum, nr. 101 19. júní 1933.

Vér Christian hinn Tiundi, af guðs náð konungur Íslands og Danmerkur,
Vinda og Gauta, hertogi í Slésvík, Holtsetalandi, Stórmæri, Péttnerski,
Láenborg og Aldinborg,

Gjörum kunnugt: Alþingi hefir fallizt á lög þessi og Vér staðfest þau með samþykki Voru:

2. gr. laganna breytist á þessa leið:

I. Fyrir 1. málslíð í A. 1. komi tveir nýir málslíðir:

Suðurlandsvegur, sem er tvískiptur frá Reykjavík í Ölfus, önnur leiðin um Lækjarbotna, en hin um Hafnarfjörð, Krýsuvík og Selvog. Úr Ölfusi um Flóa og Holt austur yfir brú á Ytri-Rangá.

II. Fyrir orðin „um Hóla í Nesjum“ í 3. málsl. A. 1. komi: yfir Hornafjarðarfljót innra (um Hoffell að Bjarnanesi) og yfir Hornafjarðarfljót ytra um Hóla í Nesjum.

III. Fyrir orðin „Lón að Lónsheiði“ í sama málslíð komi: Lón um Hraunhólskletta að Lónsheiði.

IV. Á eftir A. 5. bætast nýir liðir:

a. *Gaulverjabæjar- og Stokkseyrarvegur*: Frá Suðurlandsvegi austan Mjólkurbús Flóamanna um Gaulverjabæ og Stokkseyri til Eyrarbakavegar á vegamótum milli kaupúnanna.

b. *Villingaholtsvegur*: Frá Suðurlandsvegi hjá Hraungerði til Villingaholts.

V. A. 9. skal orða svo:

Gnúpverjavegur: Frá vegamótum Skeiðavegar sunnan Laxár um brú á Kálfá og norðan Skaftaholtsmúla að Ásólfstöðum.

VI. Fyrir „Múla“ í A. 10. komi: Galtalæk.

VII. Fyrir orðin í A. 11. „inn Fljótshlíð að Hlíðarenda“ komi: inn Fljótshlíð að Múlakoti.

VIII. Á eftir A. 11. bætist nýr liður:

Meðallandsvegur: Frá Suðurlandsvegi í Skaftártungu yfir Ásabrú um Leiðvöll að Langholti í Meðallandi.

IX. Aftan við A. 13. bætist: og þaðan um Útskála að Sandgerði.

X. Á eftir B. 5. bætast nýir liðir:

a. *Reykholtsdals- og Hálsasveitarvegur*: Frá Kláffossbrú um Reykholtssdal að Lambá.

b. *Álftaneshreppsvegur*: Frá Stykkishólmi vestan Langár um Álfta-

neshrepp sunnanverðan á Kolviðarholt sunnan Hólsvatns, og það- 72
an vestur að Vogalæk.

23. júní

- c. *Hraunhreppsvegur*: Frá Stykkishólmsvegi hjá Arnarstapa um Hrafnkelsstaði og Laxárholt að Vogu.

XI. Á eftir B. 8. bætast nýir liðir:

- a. *Útnesvegur*: Frá Ólafsvíkurvegi, austan Fróðárheiðar um Breiðavík að Sandi.
b. *Skógarstrandarvegur*: Frá Stykkishólmsbraut í Helgafellssveit á Vesturlandsveg í Miðdölum.

XII. Á eftir B. 9. bætist nýr liður:

Staðarfellsvegur: Frá Vesturlandsvegi hjá Ásgarði að Staðarfelli.

XIII. Á eftir B. 10. bætist nýr liður:

Kaldrananeshreppsvegur: Frá Strandavegi við Selá, um Bjarnarfjörð, Bala, Kaldbak og Veiðileysu að Reykjarfirði (Kúvíkum).

XIV. Á eftir B. 11. bætast nýir liðir:

- a. *Reykhólasveitarvegur*: Af Geiradalsvegi í Þorskafjörð.
b. *Barðastrandarvegur*: Frá Þjóðveginum, milli Geirseyrar og Bíldudals, af Mikladal og að Haga á Barðaströnd.
c. *Rauðasandsvegur*: Frá Hvalskeri við Patreksfjörð að Saurbæ á Rauðasandi.

XV. Á eftir 12. a. bætast nýir stafliðir:

- a. Af Breiðadalsheiði til Suðureyrar í Súgandafirði.
b. Frá Gemlufalli að Núpi.
c. Frá Vöðlum í Önundarfirði að Hjarðardal.

XVI. Á eftir B. 12. b. bætist nýr stafliður:

Frá Þingeyri til Haukadals.

XVII. Á eftir B. 13. bætast nýir liðir:

- a. *Ármúlavegur*: Frá vegamótum Langadalsvegar við brú á Langadalsá til Ármúla.
b. *Laugabólsvegur*: Frá Arngerðareyri að Laugabóli.

XVIII. Fyrir „til Skagastrandar“ í C. 7. komi: að Hofi á Skagaströnd.

XIX. Á eftir C. 10. bætast nýir liðir:

- a. *Blönduhliðarvegur*: Frá Héraðsvatnabru á Grundarstokk, um Blönduhlið og Viðvíkursveit, um brú á Gljúfurá á Hofsóssveg.
b. *Lágheiðarvegur*: Frá Siglufjarðarvegi um Lágheiði til Ólafsfjarðar.

XX. Á eftir C. 11. bætist nýr liður:

Laugalandarvegur: Frá Norðurlandsvegi hjá Kaupangi að Laugalandsskóla.

XXI. Á eftir C. 12. koma nýir liðir:

- a. *Svarfaðardalsvegur*: Frá Árgerði að Urðum.
b. *Svalbarðsstrandarvegur*: Frá Grenivík um Fnjóskárbrú og Laufás, á Norðurlandsveg á Svalbarðsströnd.

c. *Kinnarvegur*: Frá Norðurlandsvegi hjá Krossi um Köldukinn að Garði í Aðaldal.

XXII. Aftan við C. 13. bætist: og þaðan um Kálfaströnd að Reykjahlíð.

XXIII. Á eftir C. 13. bætist nýr liður:

Fjallavegur: Frá Reykjahlíð um brú á Jökulsá að Grímsstöðum á Fjöllum.

XXIV. Á eftir C. 15. bætist nýr liður:

Langanesvegur: Frá Þórshöfn um Langanes að Skálum.

XXV. Á eftir D. 1. kemur nýr liður:

Vopnafjarðarvegur: Frá Austurlandsvegi hjá Möðrudal og í Vopnafjörð.

XXVI. Fyrir „*Stranda- og Vopnafjarðarvegur*“ í D. 2. komi: *Stranda- og Jökulsárhlíðarvegur*.

XXVII. Á eftir D. 2. komi nýr liður:

Hróarstunguvegur: Frá Rangárbrú um Kirkjubæ og brú á Lagarfljóti í nánd við Lagarfljótsfoss á Úthéraðsveg.

XXVIII. Aftan við D. 3. bætist: Um Gönguskörð og Njarðvíkurskriður til Borgarfjarðar.

XXIX. D. 4. skal orða svo:

Upphéraðsvegur: Frá Lagarfljótsbrú vestan Fljóts um Brekku að væntanlegri brú á Jökulsá í Fljótsdal.

XXX. Á eftir D. 6. komi nýr liður:

Þórdalsheiðarvegur: Frá Austurlandsvegi í Skriðdal um Þórdalsheiði til Reyðarfjarðar.

Eftir þessu eiga allir hlutaðeigendur sér að hegða.

Gjört í Reykjavík, 23. júní 1936.

Undir Vor konunglega hönd og innsigli.

Christian R.

(L. S.)

Hermann Jónasson.